

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADONAČELNIK**

Zenica, 27.04.2017. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH", broj: 12/03, 34/03, 65/13), a u vezi sa odredbama Pravila JU "Predškolski odgoj i obrazovanje" Zenica i JU "Dom i porodica" Zenica, u postupku imenovanja upravnih odbora ustanova, Gradonačelnik Grada Zenice objavljuje

**O G L A S**

**za izbor i imenovanje upravnih odbora javnih ustanova  
"Predškolski odgoj i obrazovanje" Zenica i "Dom i porodica" Zenica**

Objavljuje se Oglas za imenovanje predsjednika i dva člana upravnih odbora javnih ustanova u Zenici kako slijedi:

1. JU "Predškolski odgoj i obrazovanje" Zenica i
2. JU "Dom i porodica" Zenica.

**I OPIS POZICIJA**

**Upravni odbor:**

- donosi Pravila Ustanove,
- imenuje i razrješava direktora, te ocjenjuje njegov rad,
- utvrđuje godišnji program rada i planove rada i razvoja,
- donosi finansijski plan i usvaja godišnji obračun,
- donosi opće akte utvrđene Pravilima i zakonom,
- donosi poslovnik o svom radu,
- odlučuje o prigovorima zaposlenika na odluke i rješenja kojim je direktor odlučio o pravima, obavezama i odgovornostima zaposlenika iz radnog odnosa,
- podnosi najmanje jednom godišnje izvještaj o poslovanju Ustanove i investicijama osnivaču,
- odobrava formiranje cijena usluga,
- obavlja i druge poslove u skladu sa Zakonom i Pravilima.

Mandat predsjednika i članova upravnih odbora je četiri godine, uz mogućnost ponovnog imenovanja u skladu sa Zakonom.

Kandidati za upravne odbore ustanova moraju ispunjavati opće i posebne uslove.

**Opći uslovi su:**

- da je državljanin Bosne i Hercegovine,
- da nije stariji od 65 godina,
- da nije otpušten iz državne službe kao rezultat disciplinske mjere (bilo na nivou države i entiteta) u periodu od 3 godine prije dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava Bosne i Hercegovine),

- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH ("Službene novine F BiH", broj 12/03, 34/03, 65/13),
- da nije član upravnog ili nadzornog odbora druge javne ustanove, zavoda ili privrednog društva sa većinskim državnim kapitalom, niti član odbora za reviziju,
- da nema privatni finansijski interes u ustanovi,
- da nije osudjivan za krivično djelo i za prekršaj nespojiv s dužnošću u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,
- da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje.

**Posebni uslovi su:**

- VSS - završen VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa 240 ECTS bodova- fakultet društvenog smjera
- pet godina radnog iskustva u struci i spremi,
- uživanje ugleda u lokalnoj zajednici,
- sposobnost nepristrasnog donošenja odluka,
- rezultati rada ostvareni tokom poslovne karijere.

**Potrebni dokumenti:**

Prijave kandidata treba da sadrže kraću biografiju, adresu stana i kontakt telefon.

Uz prijavu treba dostaviti:

- uvjerenje o državljanstvu (ne starije od 6 mjeseci ili ovjerena kopija lične karte),
- dokaz o školskoj spremi,
- dokaz o radnom iskustvu,
- izjavu o činjenicama nabrojanim u alinejama 3. do 9. općih uslova iz Oglasa.

**Dokumenti koji se prilažu uz prijavu moraju biti originali ili ovjerene kopije.**

Oglas za podnošenje prijava ostaje otvoren 15 dana od dana objavljivanja.

Posljednji dan podnošenja prijava računa se prema datumu objave u glasilu koje posljednje bude objavilo ovaj oglas.

Oglas će se objaviti u: "Službenim novinama Federacije BiH", dnevnom listu "Dnevni avaz" i na web stranici Grada: [www.zenica.ba](http://www.zenica.ba).

Prijave sa potrebnom dokumentacijom treba dostaviti lično na protokol Grada ili preporučeno poštom sa naznakom:

**«PRIJAVA NA OGLAS – NE OTVARATI»**

**GRAD ZENICA**

**Služba kabineta Gradonačelnika**

**- Komisija za izbor -**

**72000 Z e n i c a, Trg BiH broj 6.**

FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADONAČELNIK

Na osnovu člana 34. tačka 5. i 6. i člana 117. Statuta Grada Zenica ("Službene novine Grada Zenica", broj 5/15) i člana 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", broj 12/03, 34/03 i 65/13) Gradonačelnik Grada Zenica donosi

**ZAKLJUČAK**  
o davanju saglasnosti za raspisivanje Oglasa za izbor  
UO JU "Predškolski odgoj i obrazovanje" Zenica i  
direktora i UO JU "Dom porodica" Zenica

**I**

Daje se saglasnost za raspisivanje Oglasa za izbor i imenovanje predsjednika i dva člana upravnih odbora javnih ustanova "Predškolski odgoj i obrazovanje" Zenica i "Dom porodica" Zenica, kao i direktora JU "Dom porodica".

Jedan od članova Upravnog odbora imenuje se, u pravilu, iz reda stručnih zaposlenika ustanova.

**II**

Oglas za popunu pozicija iz člana I ovog zaključka objavit će se u:

- "Službenim novinama Federacije Bosne i Hercegovine",
- listu "Dnevni avaz" Sarajevo
- web stranici Grada Zenica: [www.zenica.ba](http://www.zenica.ba)

**III**

Krajnji rok za podnošenje prijava na upražnjene pozicije je 15 dana od dana objavljivanja.

**IV**

Za provođenje ovog zaključka zadužuje se Služba kabineta Gradonačelnika i Služba za društvene djelatnosti i socijalnu zaštitu.

**V**

Ovaj zaključak stupa na snagu danom donošenja.

Broj: 02-49-4643/14  
Zenica, 19.04.2017. godine

DOSTAVLJENO:

- 1x „Službene novine FBiH“,
- 1x „Dnevni avaz“ Sarajevo,
- 1x web stranica Grada,
- 1x Služba kabineta Gradonačelnika,



GRADONAČELNIK

Fuad Kasumović